



Broj: 06-21-10727/2021
Travnik, 09.12.2021. godine

Ministarstvo poljoprivrede, vodoprivrede i šumarstva SBK/KSB, Travnik, rješavajući po zahtjevu investitora i koncesionara „VAL-BRANA“ d.o.o. Vitez, Poslovni centar 96, Vitez, za izdavanje rješenja o vodnoj saglasnosti za izgradnju male hidroelektrane „RIJEKA“ na rijeci Lašvi, u mjestu Rijeka, općina Vitez, na osnovu člana 139. stav 2. tačka 4. Zakona o vodama („Službene novine F BiH“, broj 70/06); člana 35 stav 1. tačka d) i člana 36. Zakona o vodama Srednjobosanskog kantona („Službene novine SBK/KSB“, broj 11/09) i člana 200. stav 1. Zakona o upravnom postupku („Službene novine F BiH“, broj 2/98 i 48/99) izdaje

RJEŠENJE O VODNOJ SAGLASNOSTI

1. Investitoru i koncesionaru „VAL-BRANA“ d.o.o. Vitez, daje se vodna saglasnost za **izgradnju male hidroelektrane „RIJEKA“** na rijeci Lašvi, u mjestu Rijeka, općina Vitez, instalisane snage: **900 kW**, moguće godišnje proizvodnje: **4,588 GWh** koju čine: **brana** na koti 399,00 m.n.m. (KGV); **zahvat sa pregradnim profilom** predviđen na udaljenosti 1500 m uzvodno od ušća rijeke Kruščice u rijeku Lašvu; **akumulacija** dužine 400 m uzvodno od brane i **strojara** na koti 392,50 m.n.v. (KGV), sve na zemljištu označeno kao k.p. broj: 1521, 1200/4, 1200/1, 1200/5, 1200/6, 1200/7, 2872/3, 1224/2 (put), 2872/2, 2520/3, 2528/1, 2529/2, 2532/2, 2533, 2534/2, 2872/1 sve K.O. Vitez, općina Vitez.
2. Ova vodna saglasnost se izdaje investitoru i koncesionaru „VAL BRANA“ d.o.o. Vitez (u daljnjem tekstu: podnosilac zahtjeva) u svrhu pribavljanja odobrenja za gradnju (građevinske dozvole) za MHE „RIJEKA“ na rijeci Lašvi, općina Vitez.
3. Vodna saglasnost iz tačke 1. ovog rješenja se izdaje na osnovu utvrđenog činjeničnog stanja; potrebe povećanja proizvodnje električne energije te stvaranja i poboljšanja ukupnog ekonomskog i energerskog stanja na području općine Vitez.
4. **Vodna saglasnot se daje pod slijedećim uslovima:**
 - 4.1. Podnosilac zahtjeva je obavezan objekat MHE „RIJEKA“ izgraditi prema dostavljenoj projektnoj dokumentaciji – HIDROENERGETSKO ISKORIŠTAVANJE RIJEKE LAŠVE – MHE „RIJEKA“ koja je urađena od strane preduzeća: „HIGRACON“ d.o.o. Sarajevo i to:
 - Glavni projekat, KNJIGA 1 I KNJIGA 2 (Opća knjiga i podloge) od Oktobra 2021. godine;
 - Glavni projekat, KNJIGA 3 – BRANA od Oktobra 2021. godine;
 - Glavni projekat, KNJIGA 3 – BRANA (Armaturni nacrti) od Oktobra 2021. godine;

- Glavni projekat, KNJIGA 4 – REGULACIJA RIJEKE LAŠVE od Oktobra 2021. godine;
 - Glavni projekat, KNJIGA 5 – ELEKTROMAŠINSKA I HIDROMEHANIČKA OPREMA od Oktobra 2021. godine,
što je u skladu sa odredbama Pravilnika o uslovima i kriterijima koje mora ispunjavati lice za izradu dokumentacije na osnovu koje se izdaju vodni akti („Službene novine F BiH“, broj 17/08 i 38/12).
- 4.2. **Podnosilac zahtjeva je obavezan izgradnju i korištenje MHE „RIJEKA“ organizirati i uskladiti sa utvrđenim vrijednostima ekološko prihvatljivog protoka (EPP) za dva godišnja perioda koji moraju odgovarati vrijednostima (količinama vode u koritu) i to:**
- **maj - oktobar u količini od 1,11m³/s (1110 l/s);**
 - **novembar - april u količini od 1,665 m³/s (1665 l/s),**
- 4.3. Podnosilac zahtjeva je obavezan tokom izgradnje i korištenja MHE „RIJEKA“ pridržavati se svih odredbi Ugovora o koncesiji.
- 4.4. Podnosilac zahtjeva je obavezan prije pribavljanja rješenja o odobrenju za građenje ispoštovati sve uslove nevedene u rješenju o urbanističkoj saglasnosti broj: 03-19-4/20 od 12.10.2021. godine.
- 4.5. Svi planirani radovi na izgradnji: brane, akumulacije, centrale /strojare, uređenje korita rijeke Lašve uzvodno i nizvodno od brane i drugih pratećih objekata, aktivnosti i zahvata u vodnom dobru - ni na koji način na mogu i ne smiju negativno i štetno uticati na vodosnabdjevanje lokalnog stanovništava; ne smiju biti u koliziji sa postojećim i planiranim instalacijama vodova, rezervoara, vodozahvatnim zonama sanitarne zaštite i drugim objektima infrastrukture naselja; ne smiju ugroziti materijalna dobra lica koja su nastanjena ili posjeduju materijalna dobra na lokalitetu na kojem će se graditi predmetna MHE.
- 4.6. Podnosilac zahtjeva je dužan ispoštovati zahtjeve nevedene u pismenim saglasnostima mjesnih zajednica: Rijeka i Dubravica i to: da se naseljeno mjesto Rijeka osigura od izlivanja vode gradnjom nasipa; da u slučaju prodiranja podzemnih voda u objekte mještana - koncesionar osigura sve potrebne radove ili izvrši obeštećenja mještana; da iz ulice „Mostarska“ u dužini 250 m izgradi slivnik, prokopa i položi cijevi za odvodnju oborinskih voda u rijeku Lašvu te da uradi (sanira, reguliše, izgradi obaloutvde i sl) za kompletno korito rijeke Lašve između dvije MHE (brane) koje će se nalaziti na području MZ Dubravica.
- 4.7. Podnosilac zahtjeva je obavezan izgraditi riblju stazu u skladu sa projektnom dokumentacijom te je obavezan prije puštanja u rad MHE „RIJEKA“ izvršiti ugradnju automatskog mjerača EPP vode na ispustu za istu riblju stazu, kako bi se u svakom trenutku **mogao izmjeriti i utvrditi Ekološki prihvatljiv protok vode.**
- 4.8. Podnosilac zahtjeva je obavezan u postupku pribavljanja vodne dozvole prije puštanja u rad MHE „RIJEKA“ izraditi Opći akt o održavanju, korištenju i osmatranju vodnog objekta i postupanja u slučaju kvara ili havarije na objektu.
- 4.9. Podnosilac zahtjeva je obavezan prije postupka izdavanja građevinske dozvole prethodno riješiti sve imovinsko-pravne odnose na području na kojem je planirana izgradnja predmetne MHE.
- 4.10. Tokom izgradnje MHE podnosilac zahtjeva mora ispoštovati sve propise: o zaštiti voda i okoliša; nikakvim postupkom ne smije ugroziti uspostavljenu ravnotežu postojećih ekosistema, te sve poslove, radnje, zahvate i aktivnosti mora obavljati bez bez bilo kojeg negativnog uticaja na lokalno stanovništvo uzvodno i nizvodno od MHE „RIJEKA“.

- 4.11. Podnosilac zahjeva ne smije ugroziti ili narušiti prirodne karakteristike i ljepote vodotoka Lašve i planiranu MHE mora u cijelosti uklopiti u prirodni ambijent koji je okružuje.
 - 4.12. Izgradnja objekta koji je predmet ovog rješenja ne smije biti u koliziji sa podzemnim i površinskim vodama i drugim objektima infrastrukture naselja.
 - 4.13. Podnosilac zahtjeva je obavezan prilikom izvođenja planiranih radova i kao koncesionar u toku eksploatacije vodotoka Lašve - čistiti i održavati branu i korito rijeke, čime će se znatno umanjiti mogućnost i rizici od štetno djelovanja voda.
 - 4.14. Ukoliko prilikom izvođenja radova planiranih projektnom dokumentacijom nastupe promjene u vezi kojih nastanu štete režimu voda ili trećim licima, investitor je dužan uzroke štete otkloniti, a nastalu štetu nadoknaditi.
5. Investitor je prije izdavanja vodne dozvole i upotrebne dozvole dužan pribaviti okolinsku dozvolu.
 6. Ova vodna saglasnost prestaje da važi istekom roka od **dvije godine** od dana njenog izdavanja ukoliko do tog dana nije pribavljeno odobrenje za građenje i započeti radovi.
 7. Investitor je dužan po završetku izgradnje objekta, a prije pribavljanja upotrebne dozvole ovom Ministarstvu podnijeti **zahtjev za izdavanje rješenja o vodnoj dozvoli** za isti objekat.

O b r a z l o ž e n j e

Preduzeće „VAL-BRANA“ d.o.o. Vitez, Poslovni centar 96, Vitez se obratilo ovom Ministarstvu sa zahtjevom za izdavanje vodne saglasnosti za izgradnju male hidroelektrane „RIJEKA“ na rijeci Lašvi, općina Vitez, instalisane snage 900 kW, moguće godišnje proizvodnje 4,588 GWh za koju će se brana graditi na koti 399,00 MNM; zahvat sa pregradnim profilom će se graditi na 1500 m uzvodno od ušća rijeke Kruščice u rijeku Lašvu, sa akumulacijom dužine 400 m uzvodno od brane i strojara na koti 392,50 m.n.v., sve na zemljištu označenom kao k.p. broj: 1521, 1200/4, 1200/1, 1200/5, 1200/6, 1200/7, 2872/3, 1224/2(put) 2872/2, 2520/3, 2528/1, 2529/2, 2532/2, 2533, 2534/2, 2872/1 sve K.O. Vitez, općina Vitez.

Uz zahtjev je priložena, dostavljena i od strane ovog organa utvrđena slijedeća dokumentacija:

1. Rješenje o izmjenama podataka broj: 051-0-RegZ-17-000582 od 03.11.2017. god.,
2. Uvjerenje o registraciji poreznog obveznika od 14.12.2017. god.
3. Rješenje o prethodnoj vodnoj saglasnosti broj: 06-21-3460/21 od 24.05.2021. god.,
4. Rješenje o urbanističkoj saglasnosti broj: 03-19-4/20 od 12.10.2021. god.,
5. Suglasnost broj: 03-16/18 od 02.02.2018. god.,
6. Ugovor o suradnji,
7. Saglasnost za izgradnju MHE „RIJEKA“ na rijeci Lašvi na k.p. br. 2872/3 K.O. Vode broj: 05-25-259717 od 14.02.2018. god.,
8. Hidroenergetsko iskorištenje rijeke Lašve MHE „Rijeka“ – idejno rješenje, situacija šireg područja, šifra: 002-07-06/17 od juna 2017. godine, urađen od strane „HIGRACON d.o.o. Sarajevo,
9. Izvod iz prostornog plan općine Vitez 2020. godina,
10. Glavni projekat, KNJIGA 1 i KNJIGA 2 (Opća knjiga i podloge) od Oktobra 2021. godine,

11. Glavni projekat, KNJIGA 3 – BRANA od Oktobra 2021. godine,
12. Glavni projekat, KNJIGA 3 – BRANA (Armaturni nacrti) od Oktobra 2021. godine,
13. Glavni projekat, KNJIGA 4 – REGULACIJA RIJEKE LAŠVE od Oktobra 2021. godine,
14. Glavni projekat, KNJIGA 5 – ELEKTROMAŠINSKA I HIDROMEHANIČKA OPREMA od Oktobra 2021. godine,
15. Uplatnica o plaćenju administrativnoj taksi na rješenje.

O strane stručnih lica Ministarstva Izvršen je komisijski pregled lokacije i prednje navedene tehničke i ostale dokumentacije objekta MHE „RIJEKA“, te je istim pregledom utvrđeno da je dokumentacija koja je priložena uz zahtjev za izdavanje predmetne vodne saglasnosti, urađena skladu sa Rješenjem o prethodnoj vodnoj saglasnosti broj: 06-21-3460/21 od 24.05.2021. godine, propisima o vodama i prostorno planskoj dokumentaciji za pripadajuće vodno područje.

Investitor je projektnu dokumentaciju navedenu u tački 4.1. ovog Rješenja blagovremeno dostavio na razmatranje i ocjenu ovom organu te mi je ista dokumentacija vraćena sa obavezom čuvanja i obaveznog ponovnog prezentiranja prema ovom organu u postupku izdavanja vodne dozvole za isti objekat.

Na osnovu utvrđenog činjeničnog stanja - priložene i pregledane dokumentacije, ovaj organ je utvrdio da su u ovoj stvari ispunjeni uslovi iz člana 114. Zakona o vodama („Službene novine FBiH“, broj 70 06) i odredaba članova 7. do 11. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine F BiH“ broj 31/15, 55/19 i 41/20), te je na osnovu člana 139. stav 2. tačka 4. istog Zakona o vodama i člana 35. stav 1. tačka d) Zakona o vodama Srednjobosanskog kantona („Službene novine SBK/KSB“, broj 11/09) odlučeno kao u dispozitivu ovog rješenja.

Tačkom 4. dispozitiva ovog rješenja navedene su radnje i uslovi koje investitor mora provesti i kojih se mora pridržavati pri korištenju objekta u roku važenja ovog rješenja o vodnoj saglasnosti.

POUKA O PRAVNOM LIJEKU

Protiv ovog rješenja dopuštena je žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema ovog rješenja.


Žalba se predaje Ministarstvu poljoprivrede, vodoprivrede i šumarstva SBK/KSB, Travnik, u dva primjerka neposredno ili putem pošte preporučeno, a taksira se sa 10,00 KM administrativne takse po tarifnom broju 3. Zakona o kantonalnim administrativnim taksama („Službene novine SBK/KSB“ broj: 11/03, 1/04, 5/12 i 11/15).

Obrađivač akta: Dragan Palavra, dipl. iur.

Dragan Palavra

Dostavljeno:

- „VAL-BRANA“ d.o.o. Vitez
- Kantonalna vodna inspekcija
- „Agencija za vodno područje slivova rijeka Save“ Sarajevo
- Vodna knjiga,
- a/a



MINISTAR

Salkan Merdžanić, mr. sc.

Salkan Merdžanić

4